



39311

kal komp.

I

Mag. St. D. P

Teol. 3112

Rudaki Mattheae: Quæstio theol. de habitu
gratiæ sanctificantis.

Biblioteka Jagiellońska



stdr0004701



H

D

S

M

29

QVÆSTIO

THEOLOGICA,

DE

HABITU GRATIÆ SANCTIFICANTIS.

Sub Præfidijs

Admodum Reuerendi Domini

D. ADAMI OPATOVII,

S. Theologiæ D. & Profess: Decani ad Ædes

*S. ANNÆ, Præceptoris
colendissimi.*

A

MATTHIA RV DZKI, S. Th.

Licentiato, in Alma Academia Cracouiensi
publicè ad disputandum

PROPOSITA.

Anno reparatæ salutis M. DC. XXXV.

Mense Martio, Die Hora

In Lectorio DD. Theologorum.

CRACOVIAE,

In Officina Francisci Casarij, Anno Domini 1635.

BIBLIOTHECA UNIV.



UNIVERSITATIS



*Quae spectas sinuosi terga draconis in armis,
 Orbis Sarmatici munera prima gerit.
 Scilicet hinc semper prudentia peruigil: ô quam
 Vertice Praefuleo Symbola digna tegi!*

393M

LC

Illustriss: & Reuerendiss: Domino,
D. IOANNI WĘZYK
Dei & Apostolicæ Sedis gratia
ARCHIEPISCOPO
Gnesnensi.

Legato Nato, Regni Primati, Primoq;

P R I N C I P I,

Domino ac Patrono clementissimo.



*VM ad Diuinum Theologiae studium animum
penitus addicerem, Illustriss: ac Reuerendiss:
Domine, atq; in eo sacratoris literatura de-
cursu, non paucos gloriosè ad palmam vide-
rim contententes; ne ipse quasi otiosus, tam
celebrium operarum spectator forem, volun-
tate eorum, penes quos autoritas muneris istius-
modi indicendi, adũ laboriosam & plenam sollicitudinis disceptatio-
nis Theologica prouinciam. Neq; verò nescio quòd opibus ingenij, in-
dustria, celeritatis, hic locus ornandus sit, quem & Maestas celestis
doctrina illustret, & autoritas peritissimorum eius scientie viro-
rum, non parũ insigniat. Sed fidentiore animo rem periculi ple-
nam aggrediar, quo magis Tuo Illustrissimo patrocinio confirmabor.
Non reformido, ne quid stulta haresum temeritas his obloquatur,
cuius Tu veteratoriam calliditatem, & sapientia Tua deprehendis,
& officij Tui perterres maestate. Ecce antiquissima, ac Illustrissima
multorum seculorum victorijs nobilitata Arma Tua, quæ non solum
me defensum abundè, vt spero, dabunt; sed si in periculum aliquod
ingenij, existimationis, vocari contingat, vel solo intuitu, vt super-*

stitiosa antiquitas fabulosè quorundam arma uno ipso attactu salutaria credidit, me ex graui formidine poterunt vindicare. Hoc sperare iubet ea prudentia, quam symbolicè referunt, & sibi vendicant Arma Tua: Idem prima etas Tua, in hoc Sacro studio exacta, & exercitata pollicetur: Fulcit non dubia spe sacer hic Præsulei honoris apex, quo inter reliquos eius dignitatis religiosissimos, & vigilantissimos Sarmatiae Heroes superemines, non minus plurimis & maximis Tuis virtutibus, quàm summa sapientiæ debitus: Bene ominatur nobili triumpho, meam luctam decoram fore eminentissima hac Tua vniuersi Regni purpura, quæ decorus, prudentiâ vt grauissimus Senator, autoritate vt patriæ Pater, fidelitate vt Cuius optimus, istis inquam virtutibus Tuis, rem, patriam, libertatem, religionem, quasi humeris quibusdam sustines gloriosè. His ego tutus, non solum domesticorum explorandi mei gratia institutas prolusiones sum excepturus, sed etiam infames, & iuratas nomini Christiano hæresum impetitiones, diuino præsidio euersurus. Quidquid labor hinc, & assidua in eo studio contentio sit mihi data, totum id Illustriss: nomini Tuo deuotum esse volo, libensq; in gremio sacro repono. Non enim ignarus sum, anne conuenientiùs & securiùs Sacre Theologiæ pignora in alicuius sinu confidant, quàm eius, quem Gentilitium decus esse voluit, labor & industria fecit, utraq; dignitas accepit sapientem.

Illustriss: & Reuerendiss: Celsitud: Vestræ

ex animo deuotissimus

MATTHIAS RVDZKI,
S. Theologiæ Licentiatus.

QVÆSTIO

THEOLOGICA.

Ex Prima Secunda D. Thomæ, quest: 110.

112. 113. 114.

V Sanctificantis gratiæ doctrina, causarum, Subiectiuæ, seu Materialis, Efficientis, Finalis, Formalis, ad eamq; dispositionis, disquisitione, & effectuum diductione, sufficienter tota perficiatur, nec ne?

*DE CAUSA MATERIALI
seu Subiectiua.*

CONCLUSIO I.

Gratiæ habitualis, homines ad diuini esse participationem eleuantis, propria causa subiectiua Materialis immediata, est animæ substantia, à qua in suo esse ex natura sua dependet.

B

CO-

COROLLARIA.

1. Ex quo pullulat recta doctrina, in productione gratiae non esse distinguendas duas actiones, quarum altera debet esse, altera inesse gratiae.
2. Gratiam non produci per actionem creandi, sed simpliciter dici posse & debere, educi de potentia obedientiae animae, seu subiecti cui immediate insit.
3. Modus ille loquendi; Gratia non creatur, sed con-creatur, usu Angelici Doctoris comprobatus, si in latiori, & non genuino sensu usurpetur, Creatio, prout dicit, non solum ex nihilo, sed quaecumque productionem, sanè potest sustineri.
4. Cum dicimus, Infunditur gratia, significamus conferri eam supra debitum & ordinem naturæ; ea quippe non ita praeexistit in potentia animae, ut in actum, virtute & adminiculo naturalis agentis, queat deduci.
5. Atque ita gratia in subiecto constituta, clarè habetur, eam, quando noxae commissione corrumpitur, non per annihilationem esse amittere.

DE CAUSA EFFICIENTE.

CONCLUSIO II.

Causam Physicameductiuam Gratiae de potentia obedientiali animae, primam & principalem esse solum Deum, communis sensus approbat.

COROL-

COROLLARIA.

1. Sacrosanctam humanitatem Christi Domini, eiusdem gratiæ eductiuam, instrumentalem, coniunctam diuinitati causam esse, per rectam illationem sequitur.

2. Sacramenta verò eiusdem gratiæ signa visibilia, ex institutione Christi ad producendam, tanquam instrumenta separata interuenire.

3. Moralem tamen & meritoriam, Dominum ac Redemptorem nostrum, totam sibi causalitatem vendicare, indubitatum manet.

4. Hanc ministeriales causa, homines scilicet, & (quando Deo placet) Angeli, externas & instrumentales gratiæ producendæ causas applicantes, mediante præcipuè ministerio verbi & Sacramentorum, executiuè complent.

5. Atq; hinc videre est, nullam efficientiam Physicam eò virium procedere posse, vt aliquorum habituum supernaturalium, per actus suos, possit causa existere.

DE CAUSA FINALI.

CONCLUSIO III.

Sicut omnis creatura, ordinatione diuina, in suum finem tendit, sic quoq; gratia omnium qualitatum supernaturalium præstantissima, ad eundem referatur necesse est.

COROLLARIA.

1. Non est igitur hic alius nisi gloria Dei, qui propter semetipsum omnia operatus est.
2. Non est nisi gloria Christi, per quem omnis sanctificatio abunde in nos deriuatur.
3. Non est nisi salus nostra, & vitæ perennis statio, ad quam per hæc dona gratiarum ordinamur.
4. Non igitur mortalis culpæ labe deformes, quæ tales, ad eum finem possidendum euehuntur.
5. Non quicumq^{ue} fanatici & obstinati sectarij, solâ non imputatione peccati, in eundem finem euolare queunt.

DE DISPOSITIONE

ad causam Formalem.

CONCLUSIO IV.

Habitus gratiæ sanctificantis vt inducatur, requirit in adultis peccatoribus de facto, tam remotam, quàm proximam aliquam dispositionem præuiam, cum libertate factam, quæ voluntatem auersam à suo fine, in eundem tendere faciat.

COROLLARIA.

1. Proinde dispositionem ultimò ad iustificationem habilitantem, non solum meram conditionem, sed etiam in suo genere veram, ac per se causam moralem esse liquet.

2. Illum autem actum supernaturalem, quo proxime peccator disponitur ad infusionem gratiæ habitualis, dimanare effectiue à gratia habituali, seu elici à potentia mediante habitu infuso, non mediante aliquo alio auxilio certiùs est; quamuis oppositum quoq; non omnino improbabiler defendi possit.

3. Verum ad hanc dispositionem actus Fidei veræ & supernaturalis, atq; adeo iustificantis, per modum dispositionis necessariæ, utpote basis & inchoatio eorum, quæ in via iustificationis interueniunt, adulto præhabendus est.

4. Non solum autem actus Fidei, sed etiam Timoris, Spei, Charitatis, & Pœnitentiæ, atq; adeo propositum seruandi mandata Dei, per modum dispositionis certum est valere, ac etiam suo modo ad iustificationem impij prærequiri; etsi non eodem modo hæc omnia.

5. Quare, quamuis mole sua immanis sectariorum error blaterantium, sola fide gratiam acquiri, seu, ut ipsi malunt, apprehendi iustitiam, & remissionem peccatorum, hisce tamen impulsus, ruit effectiùs & grauius.

DE CAUSA FORMALI

quâ informante animam.

CONCLUSIO V.

Et si Christum per suam iustitiam esse causam meritoriam, exemplarem, & finalem nostræ iustificationis vltro concedamus; attamen hominem non per solam

reatus remissionem, aut imputationem extrinsecam
iustitiæ Mediatoris nostri, quamuis toto conatu pra-
uitas hæreticorum relaxetur, sed per veram, realem,
& intrinsecam iustitiam, vnicuiq; propriam, inhæren-
tem, Fide Magistrâ, iustificari defendimus.

C O R O L L A R I A.

1. Hæc iustificatio, quamuis pro principali dicat actio-
nem seu mutationem positivam; attamen includit simul
remissionem peccati, quod negotium utrumq;, moraliter
& subordinatione quadam una perficit mutatio.

2. Quinario potissimum numero effectus formales gra-
tiæ iustificantis comprehenduntur, tantæ multitudinis,
ex peccati mortalis habitualis effectibus formalibus, ei-
dem inseparabiliter annexis, proportionem desumptâ;
Sunt autem hi: Facit iustum; delet maculam peccati;
reddit amicum & filium Dei; ius confert ad vitam; sa-
nitatem naturæ restaurat.

3. In hac igitur oppositione gratiæ & peccati, etiamsi
absolutas virtutis diuinæ expendamus vires, habitum
gratiæ, siue secundum se spectatum, siue cum charitate,
& alijs habitibus supernaturalibus, ipsi concomitanter
adherentibus, cum peccato mortali, tam habituali, quàm
actuali, ut sic, subsistere non posse asserimus.

4. Virtute tamen absoluta, posse Deum per solam
infusionem gratiæ habitualis, sine ullo concursu actus pec-
cato-

catoris, remittere peccatum mortale, habituale, inficiat non eo, mente S. Doct. contentus à Caietano explicata.

5. At repugnare, ut Deus in homine eleuato ad statum gratiæ, remittat perfectè peccatum, sine infusione gratiæ habitualis, aut alterius doni, benè defenditur.

DE CAUSA FORMALI

Quà informante actus animæ.

CONCLUSIO VI.

Posse homines verè, propriè & simpliciter, per gratiam operando, tàm merito ex condigno, quàm congruo apud Deum mereri, iuxta sensum & phrasim, tùm S. Scripturæ, tùm Concilij Tridentini & Patrum, Caluino arroganti supercilio ea omnia despiciente, Catholicè dicitur.

COROLLARIA.

1. Quare sub meritum de condigno hominis iustificati cadere primam gloriam, Thomistica doctrina consona voce pronunciabis.


2. Item iustum per actus à gratia procedentes, de condigno mereri augmentum gratiæ, etiam quolibet actu meritorio remisso, sine hæsitacione à fortiori inferes.

3. At primam gratiam, etiam per amorem Dei super omnia, vel contritionem, quâ se vltimum ad gratiam habi-

habitualement disponit, homini non venire sub meritum dic-
ces, si de sensu communi loqui volueris.

4. Proinde etiam omnia auxilia sufficientia, usq; ad
iustificationem formalem, non cadere sub meritum condi-
gni, viâ plana deduces.

5. Tandem omnibus votis expetendam perseueran-
tiam, quamvis iam iustificationem supponat, per oratio-
nes, & aliorum bonorum operum ad hunc finem ordina-
torum frequentationem, solum de congruo homo obtinere
potest, idq; non infallibiliter, cum hoc meritum certa
promissione Dei non nitatur.



Laus Deo, Virginiq;
MARIAE.

Sub felicissimis auspicijs Perillustreis & Magni-
fici Domini, D. I A C O B I N A Y M A-
N O V I C Z, Iuris V. D. & Professoris,
Canonici Cracouiensis, Archidiaconi Pile-
censis, Academiae Cracouiensis
R E C T O R I S
vigilantissimi.

i-
 d
 li-
 n-
 io-
 a-
 re
 a

29

ni-
A-
ris,
ile-

